

18-June--2026

आकाशवाणी

खबरां जगमोहन शर्मा कोला,

खास-खास खबरां:-

1. प्रधानमंत्री नरेन्द्र मोदी होर अप्पने फ्रांस दौरै दे खीरी गेड़ तैहत राजधानी पेरिस पुज्जी गेदे न। पेरिस च प्रधानमंत्री मोदी फ्रांस दे राष्ट्रपति इमैनुएल मैक्रों हुंदे कन्नै वीवा टेक -2026 सम्मेलन च हिस्सा लैगन।
2. राष्ट्रपति ट्रुम्पदी मुरमू होर अज्जै थमां मध्य प्रदेश ते ओडिशा दे 5एं दिनें दे दौरै पर जा रदियां न।
3. भारत ते ब्रिटेन बशकार व्यापक आर्थिक ते बाजार समझौता CETA जुलाई महीने थमा लागू होई जाहग।
4. झारखंड ते मिजोरम च अज्ज राज्यसभा दिएं सीटें लेई मतदान होआ रदा ऐ।
5. अमरीका दे राष्ट्रपति डोनाल्ड ट्रम्प ते ईरान दे राष्ट्रपति मसूद पेजेस्कियन होरे दौनें मुल्खें बशकार बैर खत्म करने लेई 14 सूत्री शांति समझौते पर वर्चुअल ढंगे नै दस्तख्त कीते न।
6. क्रिकेट च भारत नै लखनऊ च खेड़्डे गेदे दुए इक-रोजा अंतराष्ट्रीय मैच च अफगानिस्तान गी 170 रनज कन्नै रहाई दिता।

<><><><><><>

PM-France Arrival

प्रधानमंत्री नरेन्द्र मोदी होर कल रातीं फ्रांस दौरै दे खीरी गेड़ तैहत राजधानी पेरिस पुज्जे। उन्दे उत्थे पुज्जने पर भारतीय समुदाय दे लोकें उन्दा निग्घा सुआगत कीता। पेरिस च प्रधानमंत्री मोदी फ्रांस दे राष्ट्रपति इमैनुएल मैक्रों हुंदे कन्नै वीवा टेक- 2026 सम्मेलन च हिस्सा लैगन। ओ भारत दी तकनीकी प्रगति ते नवाचार गी दुनिया दे सामने रखगन। प्रधानमंत्री हुंदा भारतीय समुदाय दे इक विशेष कार्यक्रम च हिस्सा लैने दा बी कार्यक्रम ऐ। मोदी हुंदे इस दौरै कन्नै भारत-फ्रांस सरबंधें गी होर मजबूती थोने दी मेद ऐ।

<><><><><><>

PM G-7

जी-7 शिखर सम्मेलन च प्रधानमंत्री नरेन्द्र मोदी होरें आर्टिफिशल इंटेलिजेंस दे सुरक्षित समावेशी ते मनुक्ख केन्द्रित विकास दा आह्वान कीता ऐ। उ'नें आखेआ कि आर्टिफिशल इंटेलीजेंस दी अस्सल कामयाबी मशीनें दी छमता नैई सगुआ आम लोकें गी सशक्त बनाने च ऐ। मोदी होरें आखेआ कि A.I शिक्षा ते नवाचार गी बढ़ावा देई सकदा ऐ पर बच्चें गी गलत सूचना- गलत जानकारी- डीपफेक ते साइबर खतरें कोला बचाने लेई असरदार

सुरक्षा उपाय जरूरी न। उ'ने आखेआ कि A.I तकनीक दी पुज्ज सब्बनें मुख्यें लेई इक बरोबर ते लोकतांत्रिक होनी लोइचदी। एहदे कन्नो-कन्नी मोदी होरें डीपफेक-साइबर धोखाधड़ी ते गलत सूचना ते जानकारी दी चुनौती कन्नै निबड़ने लेई कुल संसारी सतह पर सहयोग बधाने पर बी जोर दिता। प्रधानमंत्री होरें आखेआ कि ए.आई. दा फैयदा “ग्लोबल साउथ” दे मुख्यें तगर बी पुज्जना लोइचदा- तां जे तकनीक/ फरको-फरकी जां बंड नैई सगुआं समावेशी विकास दा जरिया बनै।



G-7 Leaders

फ्रांस दे एवियान शैहराच आयोजित जी-7 शिखर सम्मेलन दौरान नेताएं संतुलित आर्थिक विकास- महत्वपूर्ण खनिजों की सप्लाई श्रृंखला ते बच्चें लेई सुरक्षित डिजिटल म्हाल कन्नै सरबन्धित 3 महत्वपूर्ण घोषणाएं की आनाया गेआ। बच्चें लेई सुरक्षित डिजिटल म्हाल सरबन्धि घोषणा दा भारत सनें कैई देशों समर्थन कीता ते एहदे च ऑनलाईन सुरक्षा बधाने डीपफेक ते बच्चें दे शोषण जनेइए चनौतिएं कन्नै निबड़ने पर जोर दिता गेआ। तौआई लीथियम निकल ते होरनें महत्वपूर्ण खनिजों की सुरक्षित सप्लाई ते दस्तयाबी जकीनी बनाने लेई जी-7 Critical Mineral Alliance बनाने की बी घोषणा कीती गई। नेताएं A.I ते क्वांटम तकनीक कन्नै सरबन्धि चुनौतियें ते मौकें लेई बी कुल संसारी सतह पर तैयारी दा आहवान कीता।



Prez- MP/ Odisha

राष्ट्रपति द्रोदी मुरमू होर अज्जै थमां मध्य प्रदेश ते ओडिशा दे 5एं दिनें दे दौरें पर जा'रदियां न। ओ अज्ज मध्य प्रदेश दे बेतून च आध्यात्मिक जागरूकता राएं आदिवासी समाज दे सशक्तिकरण बारे आयोजित इक कार्यक्रम च हिस्सा लैगंन। कल ओ ओंकाश्वर च “अंतराष्ट्रीय सिकल सेल्ल दिवस” समारोह च शामिल होगंन ते मगरा एम्स भुवनेश्वर आसेआ लोआए जाने आहले इक मैडिकल कैम्प दा उदघाटन करगंन। एहदे इलावा उन्दा रायरांगपुर च कुसुमी बलाक दे खनन प्रभावत ग्राएं लेई इक बड़्डे एकीकृत ग्रामीण पाइपलाईन पानी सप्लाई परियोजना दा उदघाटन करने दा बी कार्यक्रम ऐ। शनिवारे राष्ट्रपति होर प्रधानमंत्री मोदी हुंदे कन्नै पाहाड़पुर च स्कूल ते हुनर विकास केन्द्र समेत बक्ख-बक्ख सुविधा केन्द्रें दा दौरा करगंन। जित्थे उन्दा लाभार्थियें ते बच्चें कन्नै गल्लबात करने दा बी कार्यक्रम ऐ। एहदे इलावा उन्दा इनें 5एं दिनें दौरान होर बी कैई कार्यक्रमें च शामिल होने दा बी कार्यक्रम ऐ।



India –UK Agreement

भारत ते ब्रिटेन बश्कार व्यापक आर्थिक ते बजार समझौता CETA इस बरे 15 जुलाई थमां लागू होई जाहग। एहदे कन्नै गै समाजी सुरक्षा कन्नै जुड़े दा डबल कंट्रीव्यूशन कन्वेंशन बी लागू होई जाहग। इस बारे जानकारी दिंदे होई केन्द्री उद्योग ते बजार मंत्री पीयूष गोयल होरें आखेआ कि इस समझौते कन्नै भारतीय निर्यात गी बड़ा मता फैयदा थहोग। भारत गी ब्रिटेन दे बजार च 99 प्रतिशत चीजें-बस्तें पर तुरत टैक्स फ्री पुंज हासल होग- जिंदे च कपड़ा- चमड़ा- समुंद्री उत्पाद- इंजीनियरिंग ते खुराक गी डब्बाबंद करने सरबन्धी क्षेत्र शामिल ऐ।

<><><><><>

US-Iran Peace Deal

अमरीका दे राष्ट्रपति डोनाल्ड ट्रम्प ते ईरान दे राष्ट्रपति मसूद पेज़ेशकियन होरें दौनै मुख्य बश्कार बैर खत्म करने लेई 14 सूत्री शांति समझौते पर वर्चुअल ढंगै नै दस्तख्त कीते न। एहदे च होर्मुज जल डमरु मध्य गी परतियै खोलने ते ईरान दे परमाणु कार्यक्रम पर मुकदे समझौते समेत बंधशां हटाने पर 60 दिनें दी वार्ता प्रक्रिया शुरू करना बी शामिल ऐ। अमरीका दी तरफा अधिकारिक ब्यान च आखेआ गेआ ऐ जे ट्रम्प होरें कल पैरिस च फ्रांस दे राष्ट्रपति इमैनुएल मैक्रॉ हुंदे कन्नै मलाटी दौरान व्यक्तिगत रूपे च समझौते पर दस्तक कीते न।

<><><><><>

Jharkhand -RS Poll

झारखंड ते मिजोरम च अज्ज राज्य सभा दिएं सीटें लेई मतदान होग। झारखंड च दंऊ सीटें लेई ते मिजोरम च इक सीट लेई वोट पोआए जा'करदे न। झारखंड मुक्ति मोर्चा दे बैद्यनाथ राम- कांग्रेस दे मेदवार प्रणव झा ते अजाद मेदवार परिमल नथवानी चुना लड़ै करदे न। वोट पाने दी प्रक्रिया बड़लै 9 बजे शा शामी 4 बजे तोड़ी चलोग- जिसले जे वोटें दी गिनतरी 5 बजे शुरू होग। मिजोरम च सत्तारूढ़ ज़ोरम पीपल्स मूवमेंट ते विरोधी धड़े मिज़ो नैशनल फ्रंट बश्कार सिद्धा मकाबला ऐ। उत्थै बी मतदान दा समां बड़लै 9 बजे कोला शामी 4 बजे दा रखेया गेदा ऐ- जिसले कि गिनतरी दा कम्म शामी 5 बजे शुरू होग।

<><><><><>

Cricket –India -Afghanistan

क्रिकेट च भारत नै लखनऊ च खेड़े गेदे दुए इक-रोजा अंतराष्ट्रीय मैच च अफगानिस्तान गी 170 रन्ज कन्नै रहाई दिता। एहदे कन्नै गै 3 मैचें दी श्रृंखला च भारत नै 2-0 दी बढ़त बनाई लैती ऐ। भारत नै पहले

बल्लेबाजी करदे होई 402 रन्ज बनाए। शुभमन गिल नै 154 ते इशान किशन नै 125 रन्ज दी शानदार ँरी खेड्डी। ँरते च अफगानिस्तान दी ँरी टीम 232 रन्ज ँर आउट होई गई। भारत दी तरफा अर्शदी॥ सिंह ते गुरनूर बराड़ ने 3-3 विकेटां हासल कीतियां जिसले कि प्रिंस यादव नै अफगानिस्तान दे 2 खडारी आउट कीते। श्रृंखला दा त्रीया ते खीरला मैच शनिवारें चन्नेई खेडेया जाहग।



Sanskritik Yatra

कला- संस्कृति ते भाषा सरबंधी जम्मू-कश्मीर अकादमी नै उत्तरी जोन दे संस्कृति केन्द्र ँटियाला ते All J&K Christian Sabha दे सहयोग कन्ने श्रीनगर दे टैगोर हॉल च “सांस्कृतिक यात्रा 2026” सिंधु दर्शन उत्सव दा सरिस्ता कीता। इस मौके ँर विधायक शेख एहसान अहमद ँरेदसी होर मुख ँरौहने हे- जिसले के विधायक Dr. Sunil Bhardwaj होर आदरजोग ँरौहने हे। कार्यक्रम च कलाकारें- धार्मिक नेताएं- विद्यार्थिएं- संस्कृति प्रेमिं ते आम लोकें हिस्सा लैता ते भारत दी समृद्ध सांस्कृतिक विरासत दा नंद ठोआया। इस दौरान नशा मुक्त समाज लेई सब्बर्ने अ॥नी वचनबद्धता जाहिर कीती।

